

Script of Evening Gojri News Bulletin 08 March 2026 at 1700 Hrs

ایوننگ گو جری نیوز بلیٹن مورخہ 08 مارچ 2026

یوہ آکا شوانی جموں ہے عبدالمجید تے باغ علی طاہر تیں خبر سُنو۔ پہلاں خاص خاص خبر۔

*1۔ لیفٹنٹ گورنر منوج سنہا نے کہیو ہے جے جموں کشمیر ترقی غا حوالہ سنگ معیا نہ رَوی غی خواہش تیں اُپر اُٹھ غے ہُن بڑا خواب دیکھ رہیو ہے۔

*2۔ ناےب وزیر اعلیٰ سُریندر چودھری نے پردھان منتری گرام سڑک یوجنا غے تحت بکھ بکھ سڑک پروجیکٹاں غا نی پتھر رکھیا ہیں۔

*3۔ مرکزی وزیر ڈاکٹر جتندر سنگھ نے اس سال رانجی ٹرافی جتن آلی جموں کشمیر غی کرکٹ ٹیم نانہ مبارک دتی ہے۔

*4۔ اج شام ٹی ٹوانٹی عالمی کپ کرکٹ ٹورنامنٹ غا فائنل مقابلہ مانہ بھارت غو سامنو نیوزی لینڈ نال ہو رہیو ہے۔

*5۔ تے محکمہ موسمیات نے جموں کشمیر مانہ آج تیں موسم مانہ تبدیلی غی پیشنگوئی کی ہے۔

خبران غی تفصیل نال پہلاں باغ علی طاہر۔

LG Mediocrity

لیفٹنٹ گورنر منوج سنہا نے اج کہیو ہے جے جموں کشمیر ہُن معمولی یاہ درمیانہ درجہ غی ترقی تیں اگے بدھ غے ہُن بڑا پیمانہ ور ترقی غو خواب دیکھ رہیو ہے۔ اُن غو کہنو تھو جے گذشتہ گُج بہراں غے دوران یوٹی مانہ نمایاں تبدیلی دیکھن مانہ آئی ہیں ، جس نال انتظامی ٹانچہ مانہ شفافیت پیدہ ہوئی ہے۔ کورپشن مخالف بیورو اے سی بی غا سیدھڑا جموں مانہ نواں بنایا گیا صدر دفتر تے آونتی پورہ مانہ تعمیر کی گئی اے سی بی غی اے پی کے ایس شاخ غو افتتاح کرتاں واں ایل جی سنہا نے اس گل غو اظہا رکیو۔ اُنہاں نے کہیو ہے جے یہ دو عمارت چھڑی سٹیل گلاس تے کنکریٹ سنگ تیا ر کیا گیا ٹانچہ ہی نہیں ہیں بلکہ یہ عمارت عوامی زندگی مانہ شفافیت تے یوٹی مانہ کورپشن تیں پاک بنان غی علامت ہیں۔ اس بارے گل کرتاں واں لیفٹنٹ گورنر نے کہیو۔ بائٹ۔۔۔

Dy CM Projects

نائب وزیر اعلیٰ سُریندر کمار چودھری نے جموں مانہ ڈی ڈبلیو ڈی غا ڈاک بنگلہ مانہ منعقد کیا گیا ایک پروگرام غے دوران پردھان منتری گرام سڑک یوجنا غے تحت بکھ بکھ

اہم سڑک پروجیکٹاں گا ویڈیو کا نفر نسنگ غے ذریعے نی پتھر رکھیا۔ بعد مانہ نائب وزیر اعلیٰ نے یوہ دستاں واں جے جموں مانہ اک ارب روپیاں غی لاگت غا پروجیکٹاں غو افتتاح کیو جا چکو ہے ، جد کہ گج ہو ر پروجیکٹاں غو تا ولاں ہی افتتاح کیو جائے گو ، خوشی غو اظہار کیو ۔ اس بارے گل کرتاں واں اُن غو کہنو تھو ۔ بانٹ۔

Jitendra Singh Ranji Team

وزیر اعظم غا دفتر مانہ وزیر مملکت ڈاکٹر جتندر سنگھ نے جموں کشمیر کرکٹ ٹیم نانہ اس سال رانجی ٹرافی جتن غا تاریخی موقع ور مبارک دتی ہے ۔ ٹیم غا کھلاڑیاں سنگ گل کرتاں واں ڈاکٹر جتندر سنگھ غو کہنو تھو جے اُن غی اس شاندار کارکردگی سنگ نہ چھڑی نوجوان طبقہ غی حوصلہ افزائی ہوئی ہے ، بلکہ یوہ وی ثابت ہو گیو ہے جے وزیر اعظم نریندر مو دی غی سربراہی آلی سرکار غی طرفوں موقعان نانہ جمہوری شکل دین تے منصفانہ موقع مہیا کران سنگ امید ان مانہ باندو ہو ئو ہے تے اس راہ نوجوانان مانہ نوں اعتماد پیدہ ہو سکیو ہے ۔

Women Day Poonch

پونچھ غی ضلع انتظامیہ غی طرفوں اج بین القوامی یوم خواتین بڑا جوش و خروش سنگ منایو گیو ۔ یاہ تقریب محکمہ سماجی بہبود غی طرفوں منعقد کی گئی۔ اس پروگرام غے دوران کالسریاں غی حصولیابیاں ور لوہ پایا جان غے نال نال بکھ بکھ بہبودی اقدام بارے بیداری غو اہتمام وی کیو گیو، جہیڑا خواتین غی باختیاری غی خاطر چایا گیا ہیں ۔ پونچھ غا ڈپٹی کمشنر اشوک کمار شرما نے پروگرام غو افتتاح کرتاں واں زندگی غا تمام شعبان مانہ خواتین غی باختیاری غی اہمیت ور زور پایو۔ اپنا خطاب مانہ انہاں نے سماج مانہ خواتین غا کردار غی تعریف کرتاں واں اُن غا وقار تے بروبری غی بنیاد ور موقع مہیا کران غی خاطر مل جُل غے کم کرن غی ضرورت ور زور پایو۔ بعد مانہ اخباری نمائنداں سنگ گل کرتاں واں ڈی سی پونچھ نے کہیو۔ بانٹ۔

Army Martial Arts

بھارتی فوج نے ضلع پونچھ مانہ قبضہ لکیر ور تعینات فوجی جوانان غی پیشہ وارانہ تیاری تے جنگی صلاحیتاں نانہ بدھان غی خاطر خصوصی حربی فنون تے جنگی تربیتی نشست شروع کی ہیں ۔ اس تربیتی پروگرام مانہ حربی فن غی تکنیکاں تے دوجی جنگی مہارتاں ور توجہ مرکوز کی جا رہی ہے ، جہیڑی مشکل ترین حالات مانہ کم کرن آلا فوجیاں واسطے بڑی اہم ہیں۔ عہدیداران نے دسیو ہے جے اس پہل غو مقصد فوجی کاروائیاں غے دوران دست بدست لڑائی غی صورت مانہ دشمن نال موثر طریقہ نال نمٹن غی خاطر جوانان غی صلاحیت نانہ تگڑو بنانو ہے ۔ اس بارے پیش ہے مہارا ضلع نامہ نگار غی یاہ رپورٹ۔۔۔ بانٹ۔

مزید خبراں نال عبدالجید ور اُس تیں پہلاں یوہ پیغام۔(یہ خبر تم آکاشوانی جموں تیں سن ریا ہیں، تے یہ خبر مہاری ویب سائٹ نیوز آن اے آئی آر ڈاٹ جی او وی ڈاٹ ان ور وی دستیاب ہیں، اس تیں علاوہ یہ خبر مہاری موبائل ایپ تے ڈی ٹی ایچ ور وی دستیاب ہیں)

T20 World Cup

آئی سی سی ٹی 20 کرکٹ عالمی کپ غا فائنل مانہہ اج دفاعی چمپئن بھارت غو مقابلو نیوزی لینڈ سنگ وے گو۔ یوہ مقابلو اج شام 7 بجے نریندرمودی سٹیڈیم احمدآباد مانہہ کھیڈیو جائے گو۔ ٹی 20 عالمی کپ غی تاریخی مانہہ بھارت چوتھی بار فائنل کھیڈ ریوہے تے وہ تیجی بار ٹرافی اپنے ناں کرن غا ارادہ سنگ میدان مانہہ اترے گو، جد کہ نیوزی لینڈ غی ٹیم دوجی بار فائنل مانہہ پُجی ہے تے واہ اپنی پہلی ٹرافی جتن غا ارادہ نال میدان مانہہ اترے گی۔ سوریہ کمار یا دو غی قیادت آلی بھارتی ٹیم ممئی مانہہ اک زبردست مقابلہ مانہہ انگلینڈ مانہہ ہرا غے فائنل مانہہ پُجی ہے، جد کہ مچل سینٹنر غی قیادت آلی نیوزی لینڈ نے سیمی فائنل مانہہ جنوبی افریقہ مانہہ 9 وکٹاں نال شکست دتی تھی۔ مقابلہ بارے اپنا خیالات غو اظہار کرتاں واں وزیر اعلیٰ عمر عبداللہ تے نائب وزیر اعلیٰ سریندر چودھری نے امید ظاہر کی ہے جے بھارت جت درج کرے گو۔ انہاں نے کہیو۔۔ بانٹ۔۔

Marriage Assistance Doda

ضلع ڈوڈہ مانہہ سماجی بہبود غا محکمہ غی طرفوں نافذ کی جا رہی شادی غا موقع ور امداد فراہم کرن غی ریاستی اسکیم، غریبی سطح تیں تلے زندگی بسر کر رہیا یعنی بی پی ایل تے اے اے وائی زمران نال تعلق رکھن آلا گنیاں واسطے مددگار ثابت ہو رہی ہے۔ اس اسکیم غے تحت معاشی طور ور غریب والدین ور مالی بوجھ مانہہ طور ور کہٹ کیو جا ریوہے۔ تے اہل خانداناں غی لڑکیاں غی شادی واسطے مالی امداد دتی جا رہی ہے۔ اس نال نہ صرف غریب گھرانان مانہہ شادی غا اخراجات غو انتظام کرن مانہہ امداد مل رہی ہے بلکہ بچیاں غی پیدائش غا حوالہ نال سماجی رویہ مانہہ وی مثبت تبدیلی آئی ہے۔ اس بارے ڈسٹرکٹ سوشل ویلفئر افسر زوبیر احمد نے مزید دسیو۔۔ بانٹ۔۔

CRPF Camp

سینٹرل ریزرو پولیس فورس غا 87 واں یوم تاسیس غا موقع ور 187 ویں ہٹالین سی آر پی ایف نے اپنا سوک ایکشن پروگرام 2026 غے تحت ہٹالین ہیڈ کوارٹر ہٹل بلیاں اڈھم پور مانہہ خون غا عطیہ تے مفت طبی کیمپ غو انعقاد کیو۔ اس کیمپ مانہہ 40 افسران تے اہلکاران نے خون گو عطیو دتو تے اڈھم پور غا کول کال غا گرائیاں غا لوکاں غی صحت غی مفت جانچ کی گئی، جن مانہہ ای سی جی، انکھاں غو معائینو، خون غا ٹیسٹ تے بی پی غی سکریننگ شامل تھیں۔ اس موقع ور بیماران مانہہ مفت دوائیں تقسیم کی گئیں۔ کمانڈنٹ 187 وی ہٹالین کمانڈینٹ محمد ساجد نے رضاکارانہ خون غا عطیہ غی اہمیت ور زور دیتاں واں کہیو۔۔ بانٹ۔۔

Weather

محکمہ موسمیات نے اج تیں پورا جموں کشمیر مانہہ موسم مانہہ تبدیلی غی پیشنگوئی کی ہے۔ اج تے پہلک عام طور ور بدل چھایا رہن غی توقع ہے تے اوچا علاقان مانہہ ہلکی بارش یا برفباری غو امکان ہے۔ 10 مارچ تیں 12 مارچ تک چڑھ چڑیو رہے گو تے جموں کشمیر غی کئی جگہیں اوچا علاقان مانہہ ہلکی بارش یا برفباری ہو سکے۔ اس با رے مزید جانکاری دے رہیا ہیں محکمہ موسمیات غا ڈائریکٹر مختار احمد۔۔۔۔ بانٹ۔۔۔۔

اس غے نال ہی خبراں غو یوہ بلیٹن ختم ہوؤ۔